

景祐乾象新書

三

邵

乾

景祐乾象新書太陰占上卷第五 癸訖



月總序占

月行占



月行九道占

月行三門占

月旁瑞氣占

月無光并異氣占

月朏胸占

盈縮附

月弦望占

昏晦附

月變色并異狀占

月晝明占

兩月並見占

星入月中占

日暈貫月占

月生齒占

乾象五

一

白虹貫月占

月生刺占

月生足占

生爪附

月珥背璫占

月暈占

月總序占

傳日月為太陰之精以之配日女主之象以之比德
刑罰之義列之朝廷諸侯大臣之類故君明則月
行依度臣執權則月行失道大臣用事兵刑失理
則月行乍南乍北女主外戚擅權則或進或退月變

色將有殃月晝明姦邪並作君臣爭明女主失行
陰國兵強中國饑天下謀僭數月重見國以亂亡

月行占

隋書曰月者陰之精也其形圓其質清日光照
之則見其明日光所不照則謂之魄故月望之日日
月相望人居其間盡覩其明故形圓也二弦之日日
照其側人觀其傍故半明半魄也晦朔之日日照其
表人在其裏故不見也其行有遲疾其極遲則日

車象五

二

行十二度強極疾則日行十四度半強遲則漸疾疾極
漸遲二十七日半強而遲疾一終矣又月行之道斜帶
黃道十三日有奇在黃道表又十三日有奇在黃道
裏表裏極遠者去黃道六度二十七日有奇陰陽一
終張衡云對日之衝其大如日日光不照謂之闇虛
闇虛逢月則月食值星則星亡今歷家月望行黃
道則值闇虛有表裏深淺故食有南北多少天文
總論日月者太陰之精積而成象魄質含影稟日

光以照之當日食猶臣僭君道而禍至月虧陰道臣道妻道不可使盈理當常闕其行速臣下之道行有弦望晦朔遲疾陰陽刑政之等又有陰陽二道從合朔後月出日道外即行陽道經十三日半又却入日道內越黃道行陰道從陽道而多風行陰道即多雨

月行九道占

天文總論日月春行青道二出黃道東夏行赤道二出黃道南秋行白道二出黃道西冬行黑道二出黃

乾象五

三

道北經曰明王在上則月行依九道若主不明臣奪勢則月多失道行而進退大臣專權兵刑失理臣下用事則行出南出北女主外戚專權則或進或退若月行疾則君刑緩月行遲則君刑急故日月變眚刑書曰眚災肆赦此之謂也

月行三門占

天文總論曰天有三門猶房之四表房中央曰天街天之道也天門也黃道之所經也南開曰陽環陽環之

南三尺曰陽裏陽裏之南三尺曰太陽中道北間曰陰
間陰間之北三尺曰陰裏陰裏之北三尺曰太陰中道
故月順軌道由乎天街則天下和平由乎陽道則主
喪由乎陰道則主水 河圖帝覽嬉曰月行中道
是謂安寧天下和平舉兵不吉領被其刑逆天之
道辱以無名班固天文志日月失節度而行出陽道
則早風出陰道則陰雨 京房易妖占曰月行南
道爲早月行北道爲水月行中道天門之間則天下
大安五穀豐登人主益壽

乾象五

四

月旁瑞氣占

月揚光者易萌氣樞曰日道循理上奉於君則月
揚其光 月出盛明者高宗占曰君治以道目下
從化則月出盛明月上有黃芒者夏氏占曰君道福
昌后妃有喜則月有黃芒 月有暈珥者河圖
帝覽嬉曰五穀豐登歲序平康則月有暈珥
月有戴氣者荊州占曰月有戴氣不出百日人主

有喜 月終歲不暈者荊州占曰月終歲不暈主
天下偃兵隣國求和 月有兩珥者河圖帝覽嬉
日月有兩珥其下國喜兵在外勝 月有四珥者高
宗占日月有四珥主其下國安君喜 月圓而暈者
禮斗威儀曰君乘土德而王其政太平則月圓而多
暈 月赤而明者符瑞圖曰君乘火德而王其政頌
平則月赤而明 月白而明者符瑞圖曰君乘金德
而王其政頌平則月白而明 月青而明者符瑞圖

乾象五

五

曰君乘木德而王其政頌平則月青而明 正月有偃
月者京房易飛侯曰其下國有喜則正月有偃月
瑤光貫月者河圖著命曰瑤光如蜺貫月感女樞於
幽宮而生顓帝白氣貫月者河圖著命曰扶都見
白氣貫月意感而生於湯 月精明者符瑞圖曰
月爲陰精臣道也若君臣和同則月精明 月大光
者京房易傳曰天下和平上下俱昌則月大光

月無光并異氣占

河圖帝覽嬉日月大而無光其下城不降月小而無光其城降 京房祿異占日月無光臣下作亂教令不行民饑 荆州占日月生而無光其下有死亡

天文總論日月暈無精光是爲大盪其下有兵喪王者以德令除之則無咎 河圖帝覽嬉日月始出時有雲居其中似禽獸狀名曰綦婁甲乙日見東方受其害丙丁日見南方受其害戊己日見中央受其害庚辛日見西方受其害壬癸日見北方受

乾象五

六

其害 荆州占日月下有氣如人相隨者是謂惡成其下國分侯王坐之又日月中有雲如人行者有兩主爭客勝又曰有赤雲黑雲交臨月當其國有亡軍河圖帝覽嬉日月旁有白雲大如杆抵月者期六十日外有戰破軍死將若月旁多赤雲如人頭有大戰多白爲兵多黑爲雨又日月旁有白雲一黑雲二蒼雲二其大如厚布抵貫月圍城拔邑 高宗占曰青雲刺月是謂賊害王受其殃五穀不熟赤雲刺

月是謂仇賊黃雲刺月女主有憂白雲刺月其
下君亡黑雲刺月陰雨踰時

月朏胸占 盈縮附

劉向洪範傳曰晦而月見西方謂之朏朔而月見東
方謂之仄匿朏則王侯其舒言政緩則陽行遲陰行
疾也仄匿則王侯其肅言政急則陽行疾陰行遲也
舒者臣驕而執政肅者臣下恐懼而太甚

劉歆曰舒者王侯展意專事臣下促急故月行疾

乾象上

十

也肅者王侯縮胸不任事臣下弛縱故月行遲

荆州占日月行疾有急事月過度者姦邪起月行
不及度者多留事 易萌氣樞日月當滿不滿君
侵臣君侵臣則有火旱之災月當毀不毀則臣凌君
臣凌君則有兵水之難月太盈則人君之憂月太縮
則臣下害

晉安帝義熙九年十二月辛卯朔月猶見東方謂之仄
匿則王侯其肅是時劉裕輔政威刑自己仄匿之應也

月弦望占

昏晦附

天文錄曰月生六日而弦大臣爲政不用主命月七日而弦主人勝客不勝月未當弦而弦是謂起兵月當弦而不弦國有大兵 荆州占曰月生八日而弦天下大安月生八日而不弦攻人城者不勝 河圖帝覽嬉日月生十日而不弦以戰不勝主將死當其弦而弦者是謂大安

荆州占曰月十四日而望者主更令期一年月十五日而望主安長久天下和平人民歌舞以行月十六日而望者主

車象五

八

不昌 河圖帝覽嬉日月未當望而望是謂促兵以攻他人地者大昌月當望而不望者以攻人地者有殃所宿國其下亡地 荆州占曰月生五日而昏中者月內有急兵糴貴又曰大月八日昏中小月七日昏中過度者有兵事不及度者有憂月下弦而不弦者日多姦月當盡而不盡者所宿國亡 京房對災異曰人君好用邪佞朝無忠臣則月失行 李淳風曰月未當缺而缺女主憂大日黜月當出而不出有陰謀其下國亂月未當

上弦而上弦其下國有兵月未當下弦而下弦其下國有
姦日月初出而盛明女主持政月上弦後盛明君無威
德月前望西缺後望東缺名曰反月其下臣不奉法侵
奪主勢無救則為湧水兵起其衝其救也正刑罰誅
姦猾任賢能則月變而不為傷月當晦而不盡者所
宿國亡地月旁有赤氣色者皆為妃后有謀

天文總論曰月至十六日十七日不虧者陰盛日月彊月生
三日合見如至七日見者天下有兵十五日而後見者國

亡月望而不滿者其下分地月生三日至七日而盈者
兵起八日已後盈者兵亂十一日至十四日盈者其分有
喪月望而月中蟾蜍不見者所宿國大水城陷民流一
日女主宮中不安

月變色并異狀占

天文總論曰月若變色青為憂為饑赤為兵為爭
白為旱為喪黃為喜為德黑為水為病皆以其宿
國占之 月毀為兩段將相有謀毀為三段四段者

天下分亂 月始生而復沒者天下亂月角各有一星有
軍在外者賊主 月分爲兩道者無道之君失天下
月墜于地者大日亡國憂 月始生而半者女主強
月始生而見東方者天下交兵 月始生而見南方者
米大貴在其月 月始出而上大者上旬米賤下大者
下旬米賤 月赤如赭大戰將死於野 月始生而偃天
下有兵兵罷無兵兵出 日月並出日月並相去二寸
者日下大亂 月見日中者其下國亡

東家注

十

月晝明占

天文總論日月爲日日爲君日以明續君當其時不可
與君竟能今月晝明者日下專權姦邪並作擅君
之政續君之明陰國兵強中國饑天下謀僭
李淳風曰其救也退強日斷邪佞近忠直親賢良
則月得其行不專明也

梁簡文帝大寶元年正月丙寅月晝光占曰有隱謀
國雄逃至明年八月侯景篡位也

兩月並見占

天文總論曰兩月並見者其下兵起國亂地陷水湧亡國之兆數月並見者國亡三月四月並見者其下異姓大目爭

漢成帝建始元年八月戊午晨漏未盡三刻有兩月

並見京房易傳曰婦貞厲月幾望君子征凶

師古曰小

畜卦上九爻辭也幾音鉅依切

言君弱而婦強為陰所乘則月並出尋

有趙飛鸞為亂殺戮皇子終致敗亡

乾象五

十一

梁太祖太清二年五月朔兩月見西方相承如鉤占曰其

國亂是時帝為侯景所幽崩後篡位

隋煬帝大業九年正月二十七日旦東方有二月見相去

二尺許在箕斗之間俄而楊立感於黎陽叛朱燮管

崇殘賊江南因此兵賊相繼至於滅亡

星入月中占

天文總論曰星入月中者其下有兵喪亡國破軍殺將

晉成帝咸康元年二月乙未太白入月中占曰為兵至明

年石季龍之衆大寇沔南於是內外戒嚴

隋高祖仁壽四年六月庚午有星入月中數日而退占曰有大兵喪亡國破軍殺將是年七月帝被弒而崩後漢王諒據并州叛遣楊素討平

白暈貫月占

晉書曰白暈貫月其下有廢主王者惡之

晉海西公太和四年閏月乙亥有白暈貫月至六年桓溫廢帝爲海西公也

乾象五

十二

月生齒占

晉書曰月生齒天子有賊臣群下自相殘害

晉安帝隆安五年三月甲子月生齒後有桓玄篡逆晉祚從此衰亂

後魏天興四年三月甲子月生齒至五年十月秀容胡帥前平原太守劉曜聚衆爲盜遣將誅之

白虹貫月占

武密曰白虹貫月大兵將起軍戰於野

後魏孝靜帝天平三年十月丁酉白虹貫月占曰爲不
日至四年十二月河間邢磨納范陽盧仲禮等聚衆
亂齊獻武帝討平

後周天和五年正月乙巳月在戌有白虹長數丈而貫之
占曰兵起大戰將死於野是時齊將斛律明月寇邊
於汾北築城自華谷至於龍門其明年詔齊公憲率
師禦之三月己酉憲自龍門渡河攻拔其新築五城
兵起大戰

月生刺占

春秋運斗樞日月垂芒刺國昏亂憂在三公其地弱
月以一日生刺是謂賊賊生中國月以二日生刺是謂隱
其地女子多暴疾月以三生刺是謂內傷是謂天芒
月以四日生刺是謂不明是謂蔽光月以五日生刺是謂重
疆是謂廢明月以六日生刺是謂內虛月以七日生刺是
謂有刺其地弱月以八日生刺是謂割地有分民月以
九日生刺其地饑民以食弱世以兵行月以十日生刺女子

執政月以十一日生刺其地有以陰死者月以十二日生刺其
分民多疫病月以十三日生刺是謂始強得地月以十四
日生刺是謂不和其下女傷月以十五日生刺是謂威強
其地多兵月以十六日生刺是謂內弱日叛其主月以十
七日生刺是謂威法主有流兵月以十八日生刺是謂溫死
月以十九日生刺是謂陽衰陰治女子執事月以二十日
生刺是謂地有土功月以二十一日生刺是謂千里外聚下
有土功月以二十二日生刺是謂始衰貴人多死月以二十

三日生刺是謂陰盛女子為王月以二十四日生刺中有大
謀月以二十五日生刺是謂隱蔽是為佚殃月以二十六日
生刺是謂多憂月以二十七日生刺是謂大饑月以二十八日
生刺是謂音城月以二十九日生刺是謂內亂是謂自伐

月生足占

生爪附

雒書雒罪汲曰陪日之命王公望風反謀時合羣下
並附諸侯歸心則月舉足垂爪河圖秘微篇曰帝失德
政不平則月生足 春秋緯日月赤足日有過后族擅

權 月生尺者下
有足芒之類

考異郵曰諸侯謀叛則月生爪

荆州占曰月生爪其下軍憂也 又日月爪所指四方
煩苦有土功事

月珥背瑠占

河圖帝覽嬉日月暈而珥期六十日兵起若不暈而
珥人主有喜兵在外而喜若月珥色青有憂色赤
有兵色黃有喜色白有喪色黑有失國皆期三年
高宗占日月有珥十日有雨三珥國喜四珥女主憂

乾象五

十五

不則人主立諸侯 荆州占日月昏而珥者有半喜夜
半而珥者邊地有恐又日月珥且戴不出百日人主
有喜 李淳風曰月有抱珥在暈外月赤者外人
勝 武密曰白珥其下城降 河圖帝覽嬉日月
不暈而有四瑠者目下有謀不成 春秋感精符曰
月有背瑠者目下弛縱欲相殘賊不和之氣天子宜
備左右 荆州占日月有四提天子無后其下國憂

月暈占

巫咸日月暈者日下專權之象受衝之國不安

李淳風曰終歲不暈天下和平 河圖帝覽嬉日月

暈再重大風起月暈三重天下受兵月暈四重其下

亡國月暈五重女主有憂月暈六重其國失政月暈

七重其下易主月暈八重其下亡國月暈九重其下

兵起流血亡地月暈十重天下更 荊州占曰孟月七日

仲月八日 季月九日 皆當有暈若不暈不出三日

必有暴風甚雨 京房易傳曰正月三暈者民好

乾象五

十六

鬪不則有死民歲大惡 河圖帝覽嬉曰五月中有

九暈已上者道上有熱死將 荊州占曰正月八日九日

十六日十八日夜月有暈者三月有德令十一日暈者大

旱十二日十五日暈者飛蟲多死二十三日二十四日暈者

五穀不成二十五日二十六日暈者女功泉貴 荊州占

曰一月五暈至九暈者天下有亡地有十一暈者天下

更政 高宗占曰月有文暈赤光其國不出二年遇

兵又日月暈多白氣從外入攻城拔得大將又日月暈

再重背在外者私成於外背在內者私成於內又日月暈
不合外有四背瑠外有謀不成 荆州占日月暈如連
環有白虹於外不及月者女貴人有陰謀又日月暈
有雲橫貫之起兵者勝 河圖帝覽嬉日月暈有
蜺雲垂之有戰從蜺所擊者大勝又日月暈有雲
貫者左右吏死又日月暈有雲如厚布若三若四貫
抵月者以戰勿當當者破 荆州占日月暈三重
赤雲貫之其下國亡又日月暈有光主起兵降

荆州占曰正月甲乙日暈者民多病丙丁日暈旱金
貴戊己日暈者歲豐庚辛日暈者有赦壬癸日

暈者多水 李淳風曰月暈而冠者天子喜

武密曰軍在外月暈者其將戰勝一日先起兵者勝

高宗占日月暈明王自將兵 武密曰月春暈歲

星夏暈災惑秋暈太白冬暈辰星四季暈填星

皆為其下君有兵亂又日月暈五星其國主死此謂

五星相近或聚於一舍月暈盡及之其下君遇害 月暈五星五星色不明主

人勝五星色明客勝

景祐乾象新書太陰占上卷第五

乾象五

十八

景祐乾象新書太陰占下卷第六

月蝕占

月犯歲星占

月犯熒惑占

月犯填星占

月犯太白占

月犯辰星占

彗星犯月占

流星犯月占

月犯列星占

月蝕占

尚書緯曰當赦而不赦月爲之蝕 董仲舒對災異

乾象六

一

曰臣行刑執法不得其中怨氣盛濫及良善則月蝕

京房對災異曰月蝕者人君行適過時專受所制不

救則水旱壞城 河圖帝覽嬉日月蝕所宿國貴人

死又曰其下有大戰拔城 易同卦驗日月蝕則釋貴

又日月蝕則正之臣下詩緯推度災異日月蝕則大臣

刑 荆州占曰月蝕則失刑之國當之 河圖帝覽嬉

曰兵常在內而月蝕者其國受殃兵未起而月蝕者

所當之國兵戰不勝 月滿而蝕者兩軍相當必戰

若無軍兵必出將死於野 夏氏占日月蝕出軍軍
折傷後有失 月蝕東方其月中有惡風 月蝕西
方主人為客 河圖帝覽嬉日月蝕從上始謂之失
道國君當之月蝕從傍始謂之失令相當之月蝕從
下始謂之失法將軍當之又曰從上始謂之君親從下
始謂之赤子蝕其陰為女蝕其陽為男月蝕盡女
主當之 荊州占日月蝕盡有大戰軍破將死拔邑
亡地月蝕不盡軍破將不死又日月蝕青色人民多死

五穀傷糴貴月蝕赤色君為客不出一年月蝕黃
色有立諸侯國者月蝕白色其國失地或有喪其蝕
盡者糴貴各以其下宿國占之又日月已蝕而青者
為夏月已蝕而赤者為兵月已蝕而黃者為財
月已蝕而白者為喪月已蝕而黑者為水

河圖帝覽嬉日月春蝕東方夏蝕南方秋蝕西方
冬蝕北方皆為其下軍憂又曰春蝕歲惡夏蝕旱
秋蝕兵起冬蝕有女喪 荊州占曰孟春蝕賤人當

之仲春蝕貴人當之季春蝕人主當之又曰夏蝕南方
歲饑秋蝕西方兵起 河圖帝覽嬉曰有軍在外而
月蝕盡者軍罷若月未望而蝕者從上始而盡無
光天子惡之 荊州占日月暈歲星而蝕者天下
大戰月暈太白而蝕者其國兵強若戰大將有二心
巫咸日月犯填星而蝕者其國有土功事 河圖帝
覽嬉日月犯熒惑而蝕者其下破軍亡地大將憂蝕
盡者主位也蝕不盡者大目位也近期一年遠期三年

武密占日月蝕起南方男子惡之起北方女子惡之
起東方少者惡之起西方老者惡之又曰有軍在外
月蝕自下而上者將軍當之自上而下者人君當之
從四面者兵攻之又日月蝕盡亡君之殃蝕不盡散臣
之憂月蝕中分不出五年國有兵亡又日月蝕而鬪
有軍必戰無軍兵起一曰隨所蝕戰利又曰兩月並
蝕天下亂月蝕有氣從外來入月中主憂氣從中出者
客憂氣從南行南軍憂氣從北行北軍憂東西亦

然氣所向者敗月蝕後三日有雨事解月蝕有彗
星八月者其下有兵喪

晉懷帝永嘉五年三月壬申夜月蝕既占日月蝕
盡大人憂又曰其國貴人死其後劉曜王弥犯闕帝
后沒於寇庭

唐玄宗開元十二年七月壬申月蝕既占日月蝕盡憂
在后己卯廢皇后王氏爲庶人坐符厭后弟太子
少保王守一貶爲澤州別駕尋賜死

睿宗先天元年八月十四日夜月蝕盡有星八月魄中
至次年七月三日左僕射竇懷正侍中岑羲中書
令蕭至忠崔湜羽林大將軍常元楷李慈等與
太平公主同謀期以其月四日以羽林兵作亂上密知
之因以中旨告岐王範薛王業兵部尚書郭元振
殿中少監姜皎將軍毛仲吏部尚書崔日用等定
計并內侍高力士率兵入虔化門梟常元楷李慈
於北闕擒賈應福李猷於內客省執蕭至忠岑

義於朝堂皆斬之以平內難

月犯歲星占

河圖帝覽嬉日月犯歲星其宿國饑 晉書曰月

犯歲星主其宿國民流亡歲饑又占曰有邊兵

晉書曰月蝕歲星其野有逐相 月蝕星者為月中不見星也 星

蝕月其宿國君女主憂且下叛逆之象 星蝕月者為月中見星也

月與歲星同光歲饑月與歲星同宿年多疫病月

與歲星同宿而蝕粟貴農憂 天文總論曰月蝕

卷六

五

歲星主殺戮將相王侯之象或其分有兵喪之象

歲星蝕月其下有太喪女主憂 月凌歲星年多

盜賊刑獄繁 月與歲星同光且下強盛之象 同光者星

月相近皆明盛也 月貫歲星人流亡相凶 月蝕歲星而暈

歲饑女主憂 李淳風曰月與歲星同宿年疫病

月乘歲星相死其下當有拔城

晉惠帝太安二年十月庚辰歲星八月中占曰國有

逐相至永興元年七月右衛將軍陳昉率眾奉帝

伐城都王潁六軍敗績于蕩陰矢及乘輿百官散
侍中嵇紹死之帝傷頰中三矢亡六壘後二年十月帝崩
晉元帝太興四年十二月丁亥月犯歲星在房占曰其
國兵饑人流亡至永昌元年三月王敦作亂率江荆
之衆來攻敗京都殺將相又鎮北將軍劉隗出奔百
姓並去南畝困於兵革四月又殺湘州刺史譙王司
馬承鎮南將軍甘卓

晉成帝咸康五年四月辛未月犯歲星在胃占曰國

饑人流乙未月犯歲星在昴及冬有沔南邾城之敗
百姓流亡萬餘家

晉穆帝升平元年十月壬午月奄歲星在房占曰
人饑一曰豫州有災至三年豫州刺史謝萬敗

晉哀帝興寧三年正月乙卯月奄歲星在參占曰參
益州之分兵饑人流亡六月鎮西將軍益州刺史周撫
卒十月梁州刺史司馬勲入益州以叛朱序率衆
助刺史周楚討平之

晉孝武帝太元十四年十二月乙未月犯歲星占曰兵饑人流亡十五年翟遼據司兗衆軍累討弗剋慕容氏又跨略并冀七月旱八月諸郡大水兗州又蝗晉孝武帝太元十九年四月己巳月奄歲星在尾占曰爲饑燕國亡二十年慕容垂遣息寶伐魏反爲所破死者數萬人二十一年垂死國遂衰亡

晉安帝隆安元年六月乙酉月奄歲星在東壁占曰爲饑衛地有兵二年六月郝恢遣鄧啓方等以萬

乾象六

二

人伐慕容寶於滑臺啓方敗三年九月桓玄等並舉兵於是內外戒嚴

晉安帝元興三年二月甲辰月奄歲星於左角占曰天下兵起是年三月丙辰劉裕起義兵殺桓脩等明年正月衆軍攻桓振卒滅諸桓

月犯熒惑占

平咸曰熒惑與月同光以其月月蝕有叛臣民饑河圖帝覽嬉曰熒惑入月中憂在宮中非賊乃盜

也有亂且相死 黃帝占曰熒惑入月中有兵喪

海中占曰熒惑入月中以戰不勝 荊州占曰熒惑入

中臣叛其主 海中占曰熒惑逆行入月中及近月七

寸之內人主惡之一曰主讒且用事 京房易傳曰月

與熒惑會其宿國王死 海中占曰月與熒惑合

其宿國貴人傷不可有為主內兵 荊州占曰月與

熒惑合光芒相及其宿國亂兵起又曰太子憂

平咸日月犯熒惑以戰小吏死 河圖帝覽嬉曰

章集本

八

月犯熒惑主其國貴人出有兵 荊州占曰月犯熒

惑戰勝之國大將死 天官書曰月蝕熒惑其國

地亂 海中占曰熒惑觸月上角為相下角為將中

央為主皆為有憂 荊州占曰月齧熒惑其師破敗

天文總論日月蝕熒惑在北木稼熟蝕在熒惑南果

不成蝕在熒惑東天下默默蝕在熒惑西其外饑兵

亂大戰若熒惑蝕月讒且在側後宮有憂月與熒

惑相犯貴人死

漢獻帝延康元年九月十日黃昏時月蝕熒惑過人
定時熒惑出在營室占曰月爲大臣侯王之象熒惑
火精漢氏之行此漢家以兵亡之異也後十二月魏文帝
受禪

晉元帝太興二年十一月辛巳月犯熒惑占曰有亂日
至永昌元年王敦作亂率荆江之衆來攻敗京都殺
將相百姓並去南畝困於兵革

晉廢帝海西公太和元年二月丙子月奄熒惑在參

皇象云

九

占曰爲內亂帝不終之兆一曰參魏地五年慕容暐爲
苻堅所滅

晉孝武太元十二年二月戊寅熒惑入月占曰有亂臣死
若有相戮者一曰女親爲政天下亂是時琅邪王輔
政王妃從兄王國寶以姻昵受寵又陳郡人袁悅昧
私苟進交遘主相扇揚朋黨十三年帝殺悅於市
於是主相有隙亂階興矣

晉孝武太元十八年正月乙酉熒惑入月占曰憂在宮中

非賊乃盜也一日有亂臣若有戮者二十年九月帝暴崩內殿北庶宣言夫人張氏潛行大逆又王國寶邪放卒伏其辜

宋武帝永初元年十二月庚子月犯熒惑於亢占曰爲內亂一日貴人憂七月索頭攻略青司兗三州於是禁兵大出是後司徒徐羨之尚書令傅亮領軍謝晦等廢少帝內亂

唐文宗開成四年七月乙未月犯熒惑占曰國有喪至

星象六

+

八月辛亥郈王薨

月犯填星占

巫咸曰填星與月同光以其月月蝕若星搖徙其下亡地 河圖帝覽嬉曰填星入月中臣殺其主

黃帝曰填星入月有土功事或貴人無嗣 荊州占曰

月與填星合其下國饑又占曰其國貴人兵死先舉

事者敗 天官書日月犯填星其宿地下犯上班

固天文志日月蝕填星民流千里 天文總論日月

犯填星女主有憂或後宮有出又曰有流民

高宗占曰月暈填星所在之國兵起不勝 海中占

月暈填星相死不則亡地 荊州占曰月暈填星星不

明主勝星明客勝 河圖帝覽嬉日月暈填星所

守之國有德

晉穆帝永和十年十月月奄填星在輿鬼占曰秦

有兵時桓溫伐苻健健堅壁長安溫退十二年八

月桓溫破姚襄

車裏士

十一

晉穆帝升平五年三月丁未月犯填星在軫占曰爲

大喪五月穆帝崩七月慕容恪攻冀州刺史呂護於

野王拔之護奔走時桓溫以大衆次宛聞護敗乃退

晉安帝隆安四年正月乙亥月犯填星在牽牛

占曰吳越有兵喪女主憂至次年五月孫恩

破會稽殺內史謝琰後又破高雅之於餘姚

死者十有七八至七月太和太后李氏崩

晉安帝義熙元年四月己卯月犯填星在東

璧占曰其地亡國一曰貴人死十月荊州刺史魏詠之卒二年二月司馬國璠等攻沒弋陽之應

晉安帝義熙十四年四月壬申月犯填星於張占曰天下有大喪其年十二月帝爲劉裕使王歆之縊崩以應二帝之數年三十七葬休平陵

月犯太白占

天文錄曰太白與月同光其月月蝕其下兵亡 荊州占日月與太白皆出有城守賣城君宜更城守吉

堯叟云

十二

河圖帝覽嬉日月與太白相遇者月出其南陽國受兵月出其北陰國受兵海中占曰太白出月右陰國有謀太白出月左陽國有謀太白出月下光芒相耀君死民流 荊州占日月戴太白有悻兵期五日 河圖帝覽嬉曰太白入月中將軍死一曰日謀主不成又曰必有內惡戰不勝 郝萌曰太白入月中國失政大人爲亂

荊州占曰軍出主將死京房易傳日月與太白會宿太子死 河圖帝覽嬉日月弦太白入月中侯王死又日月

犯太白彊侯作難國戰不勝又曰太白貫月期不出六年國有大兵戰敗亡地 天官書曰月犯太白彊國以戰敗 荊州占曰天下民靡散 海中占曰太白居月中無光名月蝕太白彊國君死太白有光名太白蝕月 臣叛王皆期三年 平咸曰月未盡三日候太白出東方在月北中國不勝負海國勝八月三日候太白出西方在月南中國勝負海國不勝 荊州占曰八月三日太白失行而南月在北秦兵戰不勝又曰秋冬八月三日太白

出西方居月北者彊居月南者弱又曰八月三日月刺太白陽大邑拔小邑驅掠出南方爲陽北方爲陰

天文總論曰月未盡三日候太白出東方與月相並開一目舉指候之其闡容一指八月三日有破軍死將主人不勝容二指八月九日軍大敗主人亡地容三指八月十五日有破軍主人亡地容四指八月二十日客軍大敗容五指八月二十七日有陣不戰又月三日候太白出西方與月相並其闡容一指軍在外期十日有破軍死將客勝容二

指期十五日有破軍主敗容三指期二十日有破軍死將
容勝容四指期二十五日容軍入境容敗容五指期三十
日有陣不戰並出則占不並不占 荊州占曰太白與
月並光明軍大戰相去五寸有拔城二寸憂軍

郝萌曰相去三寸天子罷相五寸天下憂兵五尺天下無
害 郝萌日月暈太白與月合其分主憂 荊州占日月

暈太白星入暈中者星色不明則客敗星色明而有角
客勝 河圖帝覽嬉日月暈太白其野受兵戰不勝

又曰所守之國兵起

晉元帝太興三年十二月己未太白入月在斗郭璞日月
屬坎陰府法象也太白金行來犯之天意若曰刑理失中
自毀其法

晉惠帝太安二年十二月壬寅太白犯月占曰天下有兵
三年正月己卯月犯太白占同青龍元年七月右衛將陳
眎率衆奉帝伐成都王穎六軍敗績兵逼乘輿後二年
帝崩

晉成帝咸康四年七月乙巳月奄太白占曰人君死又爲
兵人主惡之明年石季龍之衆大寇沔南於是內外戒嚴
晉成帝咸康六年四月甲午月犯太白占曰人主惡之至八
年帝崩年二十二葬興平陵

晉穆帝升平三年三月乙酉月犯太白在昴占曰人君死
一曰趙地有兵胡不安四年正月慕容儁卒

晉穆帝升平五年正月乙丑辰時月在危宿奄太白占曰天
下靡散至五月帝崩年十九葬永平陵

晉安帝隆安元年六月庚午月奄太白在太微端門外占
曰國受兵是年會稽王道子及元顯專政王珣王恭
殷仲堪庾楷反也

晉安帝義熙二年十二月丙午月奄太白在危占曰齊亡
國一曰彊國君死五年四月劉裕大軍北討慕容超卒
滅之

月犯辰星占

巫咸日辰星與月同光其月月蝕且以女樂亡

海中占日月與辰星相遇所合宿國雨水爲敗 河圖帝

覽嬉曰辰星入月中日欲叛主又日月與辰星合宿其國

亡地又日月犯辰星兵起上卿死或廷尉憂又日月蝕辰

星其國有女憂若水饑又曰兵未起而蝕所當之國戰

不勝 荊州占曰辰星入月有水刑事辰星入月復出其

國主死入不出其國君日皆憂又日月與水合所宿國兵

起又曰辰星貫月其國以女子爲亂 京房易祿占

日月犯辰星天下有水 海中占日月暈辰星在春大

早在夏主死在秋大水在冬大喪 河圖帝覽嬉日月

暈辰星所宿之國有水又曰春夏民有寒熱疾秋兵

起冬其下主憂

晉孝武太元十三年十二月戊子辰星入月在危占曰賊

目欲殺主不出三年必有內惡是後慕容垂翟遼姚

萇苻登慕容永並阻兵爭強

彗星犯月占

海中占曰彗星入月中主兵大起一日期十二年大饑又曰

若彗星入月無光不出其年有亡國星出亡國復立

荆州占曰彗星觸月日叛主 若彗星貫月有日謀主

彗星在月上有大兵起將死又曰四夷來侵 河圖帝

覽嬉曰彗星在月中兵大起 孝經雌雄圖曰彗星

觸月日不忠也

流星犯月占

河圖帝覽嬉曰大星流入月中無光者有兵死 海中占

曰流星入月無光有亡國星出亡國復立又曰使星入月

乾象本

十一

主女疾 荆州占曰奔星入月有謀其君又曰使星入

月君失其地若星入月中月無光將戮 河圖帝覽

嬉曰有流星在月上或月下其國亂 荆州占曰月

暈有流星出暈中其國貴人出流星入暈中有使

人又曰月暈有流星從中出國憂赤色城拔黃色益

地白色來年熟黑色軍敗 河圖帝覽嬉曰天下無

雲有流星出過月下或月上其國有喜

月犯列星占

河圖帝覽嬉日星出月陰負海國勝又曰列星貫月
陰國可伐 甘德日月犯列星其國受兵 荊州占曰
月犯所宿之星其下有軍將死 京房祿異占曰星
與月同光且下作亂 荊州占日月蝕列星不見者國
亡星還復見者國復立又曰星蝕月其國相死又曰星
見月中不出其年主憂 京房易祿占日月中有星天
下有賊星多者賊多 荊州占曰列星居月中見者
其國饑

景祐乾象新書太陰占下卷第六 類訖



元豐元年十二月 日學生 臣秦 孝先 書

校定將仕郎守司天監主簿充翰林天文同測驗渾儀 臣趙 靖

校定將仕郎守司天靈臺郎充翰林天文同測驗渾儀 賜緋 臣董 惟正

校定文林郎守司天監主簿同知算造 臣周 日新

校定文林郎守司天監主簿同管句測驗渾儀 臣于 太古

校定文林郎守司天監主簿充翰林天文同測驗渾儀 臣王 應

校定承務郎守司天監丞管句書籍 臣王 大明

校定儒林郎守司天監丞充曆算主簿兼同知算造 臣楊 得言

校定通直郎守司天監丞充曆算主簿兼同知算造 臣周 琮

校定通直郎守司天中官正權判司天監兼提點曆書 騎都尉 賜紫金魚袋 臣丁 洵

樞密直學士尚書司郎兼侍讀知通鑑臺司兼判駁事兼專坊提舉進奏院判太常寺禮儀事兼禮部書

舉司天監事詳定郊廟奉祠禮 護軍節度使 臣王 百賜紫金魚袋 臣陳 襄



